



## «Շիրակացու ճեմարան» միջազգային գիտակրթական համալիրի 2022-2023 ուստարվա ընդունելության կանոններ (միջին և ավագ դպրոցներ)

1. Հայաստանում Միջազգային բակալավրիատի (International Baccalaureate – IB) (այսուհետ՝ ՄԲ) նախադպրոցական-տարրական, միջին և ավագ տարիքային խմբերի ծրագրերով հավատարմագրված միակ հաստատությունը՝ «Շիրակացու ճեմարան» միջազգային գիտակրթական համալիրը (այսուհետ՝ ճեմարան), կատարում է մրցութային ընդունելություն Հայաստանի, Սփյուռքի և արտերկրի նախադպրոցական տարիքի երեխաների և հանրակրթական դպրոցների շնորհալի սովորողների համար՝ ՀՀ պետական և միջազգային ամենաբարձր չափանիշներին համապատասխանող բարձրակարգ և լիարժեք կրթություն ապահովելու նպատակով:

*Ճեմարանի առաքելությունն է կերտել ազգային հենքի վրա ձևավորված համամարդկային արժեքներ կրող իսկական մտավորական և քաղաքացի:*

*2010թ.-ից Ճեմարանը «Ռաունդ Սքվեր» (Round Square) միջազգային դպրոցների համաշխարհային ասոցիացիայի լիիրավ անդամ է: 2008թ.-ից Ճեմարանը ԱՊՀ երկրների ՄԲ դպրոցների ասոցիացիայի լիիրավ անդամ է:*

*2013թ. Ճեմարանի մանկակրթարան-տարրական դպրոցը (այսուհետ՝ կրտսեր դպրոց), 2014թ.՝ միջին և ավագ դպրոցները հավատարմագրվել են ՄԲ համաշխարհային գրասենյակի կողմից:*

*1990թ.-ից Ճեմարանում իրականացվում է «Շնորհալի երեխաների բացահայտման, նրանց կրթության կազմակերպման և օժտվածության խնդիրների հետազոտման» հեղինակային կրթական ծրագիրը (հաստատված է ՀՀ կառավարության կողմից): 2014թ. նշված ծրագիրը ընդլայնվել և վերահաստատվել է ՀՀ ԿԳ նախարարության կողմից և ներկայումս լիարժեք ինտեգրում է ՀՀ պետական չափորոշիչի և ՄԲ համապատասխան տարիքային ծրագրերի պահանջները:*

*Բացի վերոնշյալից՝ ՀՀ կառավարության որոշմամբ արտոնվել է իրականացնել 11-12-րդ դասարաններում ՄԲ դիպլոմային ծրագիրը (ՄԲ ԴԾ, IB DP)՝ անզլերենով:*

*2010թ. «Մայքրոսոֆթ» ընկերության համաշխարհային գրասենյակի կողմից Ճեմարանը ձանաչվել է աշխարհի 56 ամենաառաջատար նորարար դպրոցներից մեկը:*

2. Ճեմարանի բոլոր կառույցներում ուսուցումը կատարվում է վճարովի հիմունքներով, բացառությամբ 5-12-րդ դասարանների համար սահմանված քանակությամբ մասնակի պետական սուբսիդավորմամբ (այսուհետ՝ պետական համաֆինանսավորում) տեղերի, որտեղ ուսուցումը համաֆինանսավորվում է ծնողի և պետության կողմից:
3. Ճեմարանի կրթական կառույցներն են.
  - 3.1. մանկակրթարան (3- 5 տարեկաններ)
  - 3.2. կրտսեր դպրոց (1- 4-րդ դասարաններ)
  - 3.3. միջին դպրոց (5-10-րդ դասարաններ)  
*10-րդ դասարանում ուսուցումը կազմակերպվում է չորս հոսքերով (հումանիտար, բնագիտական, տնտեսագիտական, ֆիզմաթ):*
  - 3.4. ավագ դպրոց (11-12-րդ դասարաններ).  
*11-12-րդ դասարաններում ուսուցումը կազմակերպվում է առարկաների լայն ընտրությամբ տարբերակված հոսքերով և/կամ ՄԲԴԾ ծրագրով՝ անզլերենով:*
  - 3.5. կիրակնօրյա հեռավար նախապատրաստական դպրոց (ըստ պահանջարկի՝ միջին դպրոցի 5-9-րդ դասարանների դիմորդների համար):



4. Սովորողների հաշվարկային թիվը միջին և ավագ դպրոցների խմբերում՝ 16-18:  
Ուսումնադաստիարակչական գործընթացը կազմակերպվում է շուրջօրյա կամ երկարացված օրվա աշխատակարգերով: Սովորողներն ապահովվում են սննդով՝ ըստ հաստատված սննդակարգի: Անհրաժեշտության դեպքում՝ կարող է տրամադրվել հանրակացարան: Բոլոր սովորողների տեղափոխումը կատարվում է Ճեմարանի կողմից **հատուկ տրանսպորտային միջոցներով**:
5. Ճեմարանում ընդունելության գործընթացը համակարգվում է Ճեմարանի տնօրենի հրամանով կազմավորված ընդունող հանձնաժողովի կողմից (Ընդունող հանձնաժողով):
6. **Ընդունելությունը պետական համաֆինանսավորմամբ տեղերում.**

6.1 Ճեմարանի պետական համաֆինանսավորմամբ տեղերում ընդունելությունը կազմակերպվում է.

ա) 8-րդ դասարանում (30 տեղ)

բ) 10-րդ դասարանում (մինչև 5 տեղ)

*Տե՛ս նաև 6.2 և 7.3 կետերը:*

*Առանձնահատուկ ընդունակություններ դրսևորած, այդ թվում՝ հանրապետական օլիմպիադաներում 1-ին, 2-րդ կամ 3-րդ կարգի մրցանակների արժանացած սովորողները կարող են ընդունվել Ճեմարանի համապատասխան դասարանի պետական համաֆինանսավորմամբ տեղերում, ընդունելության քննությունների դրական արդյունքների հիման վրա՝ առանց մրցույթի, ամբողջ տարվա ընթացքում թափուր տեղերի առկայության դեպքում:*

6.2 Դիմորդները հանձնում են գրավոր քննություններ հետևյալ առարկաներից.

Քննության կարգավիճակը	8-րդ դասարան	10-րդ դասարան
Մրցութային	Հայոց լեզու	Հայոց լեզու
	Մաթեմատիկա	Մաթեմատիկա (հանրահաշիվ և երկրաչափություն)
		Դիմորդի ընտրությամբ մեկ քննություն՝ <ul style="list-style-type: none"> <li>• <u>Բնագիտական առարկաներ</u> (քննաթերթիկը ներառում է հարցեր քիմիա, ֆիզիկա և կենսաբանություն առարկաներից)</li> </ul> <p style="text-align: center;">կամ</p> <ul style="list-style-type: none"> <li>• <u>Հասարակագիտական առարկաներ</u> (քննաթերթիկը ներառում է հարցեր հասարակագիտություն, հայոց պատմություն և համաշխարհային պատմություն առարկաներից)</li> </ul>
Ոչ մրցութային	Օտար լեզու՝ ռուսերեն	
	Օտար լեզու՝ անգլերեն, ֆրանսերեն, գերմաներեն, իսպաներեն, պարսկերեն՝ դիմորդի ընտրությամբ	



7. **Ընդունելությունը վճարովի կատույցներում.**

7.1. Միջին ու ավագ դպրոցների վճարովի տեղերում (տե՛ս նաև 6 կետը) ընդունելությունն իրականացվում է մրցութային հիմունքներով՝ կիսամյակային տարբերակով, թափուր տեղերի առկայության դեպքում:

Դիմորդները հանձնում են հետևյալ քննությունները.

Քննության կարգավիճակը	5-8-րդ դասարաններ	9-րդ դասարան	10-12-րդ դասարաններ
Մրցութային	Մայրենի (5-6-րդ դասարաններ) Հայոց լեզու (7-8-րդ դասարաններ)	Հայոց լեզու	
	Մաթեմատիկա	Մաթեմատիկա (հանրահաշիվ և երկրաչափություն)	
		Բնագիտական առարկաներ մեկ քննությամբ (քննաթերթիկը ներառում է հարցեր քիմիա, ֆիզիկա և կենսաբանություն առարկաներից)	Դիմորդի ընտրությամբ մեկ քննություն՝ <ul style="list-style-type: none"> <li>Բնագիտական առարկաներ (քննաթերթիկը ներառում է հարցեր քիմիա, ֆիզիկա և կենսաբանություն առարկաներից)</li> </ul> <p>կամ</p> <ul style="list-style-type: none"> <li>Հասարակագիտական առարկաներ (քննաթերթիկը ներառում է հարցեր հասարակագիտություն, հայոց պատմություն և համաշխարհային պատմություն առարկաներից)</li> </ul>
Ոչ մրցութային	Օտար լեզու՝ ռուսերեն	Օտար լեզու՝ ռուսերեն	
	Օտար լեզու՝ անգլերեն, ֆրանսերեն, գերմաներեն, իսպաներեն, պարսկերեն՝ դիմորդի ընտրությամբ		

7.2. Արտասահմանյան երկրների աշակերտների ընդունելությունը թափուր տեղերի առկայության դեպքում բոլոր դասարաններում կատարվում է ամբողջ տարվա ընթացքում, ընդ որում՝ հայոց լեզվին բավարար չափով չտիրապետող սանի կրթությունը կարող է կազմակերպվել օտար լեզվով՝ անհատական եղանակով, մինչև ինտենսիվ ուսուցմամբ հայոց լեզվի իմացության անհրաժեշտ տիրապետման հասնելը:

7.3. Վճարովի տեղերում սովորողների համար կարող են սահմանվել կրթաթոշակներ՝ համաձայն *28 մայիսի 2019թ. Ճեմարանի կողմից ընդունված Կրթաթոշակների տրամադրման կարգի՝ ուսման վարձի նվազեցման տեսքով:*

8. **Ճեմարանի 2022-2023 ուստարվա ընդունելության գործընթացի կազմակերպման հիմնական դրույթներն են.**

- 8.1. Բոլոր քննությունները կազմակերպվում են առկա ձևաչափով:
- 8.2. Քննական աշխատանքների արդյունքների ամփոփման համար կիրառվում է 200 միավորանոց համակարգ («0.1»-ից մինչև «20.0» միավոր՝ 0,1 սանդղակով)՝ սահմանելով նվազագույն դրական գնահատականը «8.0» միավոր:



- 8.3. Բոլոր քննություններն անցկացվում են ըստ հանրակրթական դպրոցների համապատասխան դասարանների առարկայական ծրագրերի պահանջների:
- 8.4. Մրցույթն անցկացվում է բոլոր քննությունները դրական գնահատականներով հանձնած սովորողների միջև՝ մրցութային քննություններից ստացած միավորների գումարի հիման վրա: Համաֆինանսավորմամբ տեղերի համար մրցութից դուրս մնացած դիմորդները նույն գնահատականներով կարող են մասնակցել համապատասխան դասարանի վճարովի տեղերի մրցութին՝ թափուր տեղերի առկայության դեպքում: Ճեմարանի վճարովի տեղերում սովորողները հետագայում կարող են տեղափոխվել պետական համաֆինանսավորմամբ տեղեր՝ համաձայն 27 մայիսի 2021թ. Ճեմարանի կողմից ընդունված *Պետական ֆինանսավորմամբ և վճարովի տեղերի համալրման կարգի*:
- 8.5. Հավասար միավորների դեպքում նախապատվությունը տրվում է ըստ ստորև ներկայացված հերթականության.
  - ա) ոչ մրցութային քննություններից առավելագույն գումարային միավորներ ստացած դիմորդներին,
  - բ) Ճեմարանի կիրակնօրյա նախապատրաստական դպրոցի սաներին,
  - գ) Ճեմարանի միջին դպրոցի համապատասխան դասարանն ավարտած սաներին:
- 8.6. Բոլոր դիմորդները քննություններից առաջ անցնում են թեստավորում հոգեբանական ծառայությունում: Թեստավորման ժամկետները նշանակում է դիմումներն ընդունող և գրանցող խումբը՝ որպես կանոն դիմումները ներկայացնելու կամ դրան հաջորդող օրը:
- 8.7. Ընդունելության քննություններն անցկացվում են հունիսի 10-20-ը, դիպլոմային ծրագրի համար տե՛ս կետ 15:
- 8.8. Մրցույթով անցած սաները համարվում են ընդունված սահմանված ժամկետներում ծնողների (կամ նրանց փոխարինող անձանց) հետ համապատասխան պայմանագիր կնքելուց և հրամանագրվելուց հետո:
- 8.9. 5-11-րդ դասարանի դիմորդները, որոնք ընդունելության բոլոր քննություններից ստացել են դրական գնահատականներ և Ընդունող հանձնաժողովի կողմից երաշխավորվել են ընդունվելու համապատասխան դասարան, հրավիրվում են հարցազրույցի, որի նպատակը սովորողի հետ նախնական ծանոթացումն է, ինչը նպաստում է խմբերի բաշխման, սովորողի հետ հետագա աշխատանքների արդյունավետ կազմակերպման գործընթացներին:
- 8.10. Ընդունելության մասին որոշումը հրապարակվում է մինչև հուլիսի 7-ը [www.shirakatsy.am](http://www.shirakatsy.am) կայքում:
9. Դիմորդների փաստաթղթերն ընդունվում են դիմումների առցանց գրանցման համակարգի միջոցով մայիսի 3-ից հունիսի 3-ը (հղումը տեղադրված է Ճեմարանի պաշտոնական կայքի «Ընդունելություն» բաժնում):
10. Սահմանված ժամկետից դուրս ներկայացված դիմում-հայտերին ընթացք տալու որոշումը կայացնում է Ընդունող հանձնաժողովը առանձին դեպքերում:
11. Դիմում-հայտերի ընդունման և ընդունելության գործընթացին մասնակցելու համար սահմանվում է 9,600 ՀՀ դրամ միանվագ վճար (քննավարձ), որը վերադարձման ենթակա չէ: Քննավարձն անհրաժեշտ է փոխանցել Հայքիզնեբանկի տվյալ հաշվեհամարին՝ 1150003768028007:
  - 11.1. Քննավարձից ազատվում են երկկողմանի ծնողագուրկ, զոհված ազատամարտիկների, բազմազավակ (5 և ավելի երեխա ունեցող) ընտանիքների երեխաները, իսկ այլ դեպքերում՝ Ընդունող հանձնաժողովի որոշմամբ:
12. Ընդունելությանն առնչվող բոլոր չնախատեսված հարցերը վճռում է Ընդունող հանձնաժողովը:
13. Ընդունելությանը մասնակցելու համար դիմում-հայտով ներկայացվում են՝
  - տեղեկանք բնակավայրից,
  - լուսանկար (3x4 չափսի),



- տեղեկանք առաջադիմության մասին,
- անձնագրի պատճեն, չունենալու դեպքում՝ ծննդյան վկայական,
- հանրային ծառայության համարանիշ (ՀԾՀ) կամ ՀԾՀ չունենալու մասին տեղեկանք,
- քաղվածք երեխայի ամբուլատոր քարտից կամ տեղեկանք առողջության մասին (026 ձև, առկայության դեպքում), արտերկրից դիմորդների դեպքում՝ բժշկական ապահովագրություն ուսումնառության ժամանակահատվածի համար,
- քննավարձի կտրոն (տե՛ս 11 կետը):

Փաստաթղթերի էլեկտրոնային պատճենները ներբեռնվում են դիմումների առցանց գրանցման համակարգ մայիսի 3-ից հունիսի 3-ը՝ մինչև 24:00 (հղումը տեղադրված է Ճեմարանի պաշտոնական կայքի «Ընդունելություն» բաժնում): **Դիմումը համարվում է վավեր, եթե ներբեռնված են դիմումների առցանց գրանցման համակարգում աստղանիշով (\*) նշված բոլոր փաստաթղթերը, իսկ ոչ աստղանիշով թվարկված փաստաթղթերը ենթակա են պարտադիր ներկայացման ընդունվելուց հետո՝ պայմանագիր կնքելուց առաջ:**

**\*Ուշադրություն. Դիմում-հայտը լրացնելուց հետո համակարգը ավտոմատ կերպով հայտում նշված էլ. հասցեին նամակ է ուղարկում՝ դիմումը հաջողությամբ ընդունվելու մասին:**

14. Մույն կանոններով նախատեսված ժամկետները, ինչպես նաև այլ կարգավորումները կարող են փոխվել ըստ անհրաժեշտության: Փոփոխություններ լինելու դեպքում դրանք կհրապարակվեն [www.shirakatsy.am](http://www.shirakatsy.am) կայքում:
15. ՄԲ դիպլոմային ծրագրի ընդունելությունը կազմակերպվում է համաձայն համապատասխան ընդունելության քաղաքականության: ՄԲ ԴԾ ընդունելության մասին տեղեկություններ կարելի է ստանալ Ճեմարանի կայքում՝ <https://shirakatsy.am/highschool/diploma-paper-project> հղումով:
16. Ճեմարանի միջին և ավագ դպրոցների հասցեն է՝ **ք. Երևան, Նոր Նորքի 5-րդ զանգված, Արտեմ Միկոյան փողոց, 35**, հեռ.՝ **+374 10 68 01 02:**

Էլ. հասցե՝ [info@shirakatsy.am](mailto:info@shirakatsy.am), Կայք՝ [www.shirakatsy.am](http://www.shirakatsy.am) :



Microsoft

